

佛说大乘无量寿庄严清净平等觉经目录

香赞

德遵普贤第二

法藏因地第四

发大誓愿第六

积功累德第八

皆愿作佛第十

光明徧照第十二

宝树徧国第十四

堂舍楼观第十六

超世希有第十八

德风华雨第二十

决证极果第二十二

三辈往生第二十四

礼供听法第二十六

大士神光第二十八

菩萨修持第三十

寿乐无极第三十二

心得开明第三十四

重重诲勉第三十六

礼佛现光第三十八

边地疑城第四十

菩萨往生第四十二

受菩提记第四十四

勤修坚持第四十六

闻经获益第四十八

法会圣众第一

大教缘起第三

至心精进第五

必成正觉第七

圆满成就第九

国界严净第十一

寿众无量第十三

菩提道场第十五

泉池功德第十七

受用具足第十九

宝莲佛光第二十一

十方佛赞第二十三

往生正因第二十五

歌叹佛德第二十七

愿力宏深第二十九

真实功德第三十一

劝谕策进第三十三

浊世恶苦第三十五

如贫得宝第三十七

慈氏述见第三十九

惑尽见佛第四十一

非是小乘第四十三

独留此经第四十五

福慧始闻第四十七

往生咒

佛说大乘无量寿庄严清净平等觉经

香赞 ↑

炉香乍热，法界蒙熏，诸佛海会悉遥闻，随处结详云，诚意方殷，诸佛现全身。

南无香云盖菩萨摩诃萨！（三称）

净口业真言

唵，修唎修唎，摩诃修唎，修修唎，萨婆诃。

净意业真言

唵，嚩日啰怛诃贺斛。

净身业真言

唵，修多唎，修多唎，修摩唎，修摩唎，娑婆诃。

安土地真言

南无三满哆，母驮喃，唵，度噜度噜地尾萨婆诃。

普供养真言

唵，誚誚曩，三婆嚩，伐日啰斛。

南无本师释迦牟尼佛！（三称）

南无西方极乐世界大慈大悲接引导师阿弥陀佛！（三称）

莲池赞

莲池海会。弥陀如来。观音势至坐莲台。接引上金阶。大誓宏开。普愿离尘埃。

南无莲池海会佛菩萨摩訶萨！（三称）

南无莲池海会佛菩萨！（三称）

开经偈

无上甚深微妙法。百千万劫难遭遇。

我今见闻得受持。愿解如来真实义。

佛说大乘无量寿庄严清净平等觉经

菩萨戒弟子^{yùn}郛城夏莲居会集各译

法会圣众第一 ↑

如是我闻。一时佛在王舍城。^{qí dū jué}耆闍崛山中。与大比丘众万二千人俱。一切大圣。神通已达。其名曰。尊者^{jiāo}憍陈如。尊者舍利弗。尊者大目^{qián}犍连。尊者迦^{shè}叶。尊者阿难等。而为上首。又有普贤菩萨。文殊师利菩萨。弥勒菩萨。及贤劫中一切菩萨。皆来集会。

德遵普贤第二 ↑

又贤护等十六正士。所谓善思惟菩萨。慧辩才菩萨。观无住菩萨。神通^{huā}华菩萨。光英菩萨。宝幢菩萨。智上菩萨。寂根菩萨。信慧菩萨。愿慧菩萨。香象菩萨。宝英菩萨。中住菩萨。制行菩萨。解^{xiè}脱菩萨。而为上首。

咸共遵修普贤大士之德。具足无量^{hèng}行愿。安住一切功德法中。遊步十方。行权方便。入佛法^{zàng}藏。究竟彼岸。愿于无量世界成等正觉。

舍兜率。降王宫。弃位出家。苦行学道。作斯示现。顺
世间故。以定慧力。降伏魔怨。得微妙法。成最正觉。
天人归仰。请转法轮。常以法音。觉诸世间。破烦恼城。
坏诸欲^{qiàn}塹。洗濯^{zhuó}垢污。显明清白。调众生。宣妙理。貯^{zhù}
功德。示福田。以诸法药救疗三苦。升灌顶阶。授菩提
记。为教菩萨作阿闍黎^{shé}。常习相应无边诸行。成熟菩萨
无边善根。无量诸佛咸共护念。诸佛刹^{chà}中。皆能示现。
譬善幻师。现众异相。于彼相中。实无可得。此诸菩萨。
亦复如是。通诸法性。达众生相。供养诸佛。开导群生。
化现其身。犹如电光。裂魔见网。解诸缠缚。远超声闻
辟支佛地。入空无相无愿法门。善立方便。显示三乘。
於此中下。而现灭度。

得无生无灭诸三摩地。及得一切陀罗尼门。随时悟
入华严三昧。具足总持百千三昧。住深禅定。悉睹^{dǔ}无量
诸佛。於一念顷。徧遊^{dù}一切佛土。得佛辩才。住普贤^{hèng}行。
善能分别众生语言。开化显示真实之际。超过世间诸所
有法。心常谛住度世之道。於一切万物。随意自在。为
诸庶^{shù}类。作不请之友。受持如来甚深法藏^{zàng}。护佛种性常
使不绝。兴大悲。愍^{mǐn}有情。演慈辩。授法眼。杜恶趣。
开善门。於诸众生。视若自己。拯济负荷。皆度彼岸。
悉获诸佛无量功德。智慧圣明。不可思议。

如是等诸大菩萨。无量无边。一时来集。又有比丘尼五百人。清信士七千人。清信女五百人。欲界天。色界天。诸天梵众。悉共大会。

大教缘起第三 ↑

尔时世尊。威光赫奕^{hè}。如融金聚。又如明镜。影畅表里。现大光明。数千百变。尊者阿难。即自思惟。今日世尊。色身诸根。悦豫清淨。光颜巍巍。宝刹庄严^{chà}。从昔以来。所未曾见。喜得瞻仰。生希有心。即从座起。偏袒右肩^{piāntǎn}。长跪合掌。而白佛言。世尊今日入大寂定。住奇特法。住诸佛所住导师之行。最胜之道。去来现在。佛佛相念。为念过去未来诸佛耶。为念现在他方诸佛耶。何故威神显耀^{yào}。光瑞殊妙乃尔。愿为宣说。

於是世尊。告阿难言。善哉善哉。汝为哀愍^{mǐn}憍乐^{yào}诸众生故。能问如是微妙之义。汝今斯问。胜於供养一天下阿罗汉。辟支佛。布施累劫。诸天人民。蜎飞蠕^{yuān}动^{ruǎn}之类。功德百千万倍。何以故。当来诸天人民。一切含灵。皆因汝问而得度脱故。

阿难。如来以无尽大悲。矜哀^{jīn}三界。所以出兴于世。光阐道教。欲拯群萌。惠以真实之利。难值难见。如优昙^{tán}花。希有出现。汝今所问。多所饶益。阿难当知。如来正觉。其智难量。无有障碍。能於念顷。住无量亿劫。

身及诸根。无有增减。所以者何。如来定慧。究畅无极。於一切法。而得最胜自在故。阿难谛听。善思念之。吾当为汝分别解说。

法藏^{zàng}因地第四↑

佛告阿难。过去无量不可思议。无央数劫。有佛出世。名世间自在王如来。应供。等正觉。明行足。善逝。世间解。无上士。调御丈夫。天人师。佛世尊。在世教授四十二劫。时为诸天及世人民说经讲道。

有大国主名世饶王。闻佛说法。欢喜开解。寻发无上真正道意。弃国捐王。行作沙门。号曰法藏^{zàng}。修菩萨道。高才勇哲。与世超异。信解明记。悉皆第一。又有殊胜^{hèng}行愿。及念慧力。增上其心。坚固不动。修行精进。无能踰^{yù}者。往诣^{yì}佛所。顶礼长跪。向佛合掌。即以伽他^{qié tuō}赞佛。发广大愿。颂曰。

如来微妙色端严	一切世间无有等
光明无量照十方	日月火珠皆匿曜 ^{yào}
世尊能演一音声	有情各各随类解
又能现一妙色身	普使众生随类见
愿我得佛清净声	法音普及无边界
宣扬戒定精进门	通达甚深微妙法
智慧广大深如海	内心清净绝尘劳

超过无边恶趣门 速到菩提究竟岸
无明贪瞋^{chēn}皆永无 惑尽过亡三昧力
亦如过去无量佛 为彼群生大导师
能救一切诸世间 生老病死众苦恼
常行布施及戒忍 精进定慧六波罗
未度有情令得度 已度之者使成佛
假令供养恒沙圣 不如坚勇求正觉
愿当安住三摩地 恒放光明照一切
感得广大清净居 殊胜庄严无等伦
轮回诸趣众生类 速生^{chà}我刹受安乐
常运慈心^{bá}拔有情 度尽无边苦众生
我行决定坚固力 唯佛圣智能证知
纵使身止诸苦中 如是愿心永不退

至心精进第五 ↑

法藏^{zàng}比丘说此偈已。而白佛言。我今为菩萨道。已发无上正觉之心。取愿作佛。悉令如佛。愿佛为我广宣经法。我当奉持。如法修行。拔^{bá}诸勤苦生死根本。速成无上正等正觉。欲令我作佛时。智慧光明。所居国土^{dù}。教授名字。皆闻十方。诸天人民及蜎蠕^{yuānruǎn}类。来生我国。悉作菩萨。我立是愿。都胜无数诸佛国者。宁可得否。世间自在王佛。即为法藏^{zàng}而说经言。譬如大海一人

斗量。经历劫数。尚可穷底。人有至心求道。精进不止。
会当^{kè}剋果。何愿不得。汝自思惟。修何方便。而能成就
佛刹^{chà}庄严。如所修行。汝自当知。清淨佛国。汝应自摄。
法藏^{zàng}白言。斯义宏深。非我境界。惟愿如来。应正徧知。
广演诸佛无量妙刹^{chà}。若我得闻。如是等法。思惟修习。
誓满所愿。

世间自在王佛知其高明。志愿深广。即为宣说二百
一十亿诸佛刹土^{chà dù}功德严淨。广大圆满之相。应其心愿。
悉现与之。说是法时。经千亿岁。尔时法藏^{zàng}闻佛所说。
皆悉覩^{dǔ}见。起发无上殊胜之愿。於彼天人善恶。国土粗
妙。思惟究竟。便一其心。选择所欲。结得大愿。精勤
求索。恭慎保持。修习功德。满足五劫。於彼二十一俱胝^{zhī}
佛土^{dù}。功德庄严之事。明了通达。如一佛刹^{chà}。所摄佛国。
超过於彼。

既摄受已。复诣^{yì}世自在王如来所。稽首礼足。绕佛
三匝^{zā}。合掌而住。白言世尊。我已成就庄严佛土^{dù}。清淨
之行^{hèng}。佛言善哉。今正是时。汝应具说。令众欢喜。亦
令大众。闻是法已。得大善利。能於佛刹^{chà}。修习摄受。
满足无量大愿。

发大誓愿第六 ↑

法藏^{zàng}白言。唯愿世尊。大慈听察。

我若证得无上菩提。成正觉已。所居佛刹。^{chà}具足无量不可思议。功德庄严。^{yuān}无有地狱。饿鬼。禽兽。^{ruǎn}蜎飞蠕动之类。所有一切众生。以及焰摩罗界。^{yàn}三恶道中。来生我刹。^{chà}受我法化。悉成阿耨多罗三藐三菩提。^{nòu}不复更堕恶趣。得是愿。乃作佛。不得是愿。不取无上正觉。（一、国无恶道愿。二、不堕恶趣愿。）

我作佛时。十方世界。所有众生。令生我刹。^{chà}皆具紫磨真金色身。三十二种。大丈夫相。端正净洁。悉同一类。若形貌差别。有好丑者。不取正觉。（三、身悉金色愿。四、三十二相愿。五、身无差别愿。）

我作佛时。所有众生。生我国者。自知无量劫时宿命。所作善恶。皆能洞视。彻听。知十方去来现在之事。不得是愿。不取正觉。（六、宿命通愿。七、天眼通愿。八、天耳通愿。）

我作佛时。所有众生。生我国者。皆得他心智通。若不悉知亿那由他百千佛刹。^{chà}众生心念者。不取正觉。（九、他心通愿。）

我作佛时。所有众生。生我国者。皆得神通自在。波罗密多。於一念顷。不能超过亿那由他百千佛刹。^{chà}周徧巡历。供养诸佛者。不取正觉。（十、神足通愿。十一、徧供诸佛愿。）

我作佛时。所有众生。生我国者。远离分别。诸根

寂静。若不决定成等正觉。证大涅槃者。^{nièpán}不取正觉。（十二、定成正觉愿。）

我作佛时。光明无量。普照十方。绝胜诸佛。胜于日月之明。千万亿倍。若有众生。见我光明。照触其身。莫不安乐。慈心作善。来生我国。若不尔者。不取正觉。（十三、光明无量愿。十四、触光安乐愿。）

我作佛时。寿命无量。国中声闻天人无数。寿命亦皆无量。假令三千大千世界众生。悉成缘觉。於百千劫。悉共计^{jiào}校。若能知其量数者。不取正觉。（十五、寿命无量愿。十六、声闻无数愿。）

我作佛时。十方世界无量刹^{chà}中。无数诸佛。若不共称叹我名。说我功德国土之善者。^{dù}不取正觉。（十七、诸佛称叹愿。）

我作佛时。十方众生。闻我名号。至心信乐。^{yào}所有善根。心心回向。愿生我国。乃至十念。若不生者。不取正觉。唯除五逆。诽谤正法。（十八、十念必生愿，）

我作佛时。十方众生。闻我名号。发菩提心。修诸功德。奉行六波罗密。坚固不退。复以善根回向。愿生我国。一心念我。昼夜不断。临寿终时。我与诸菩萨众迎现其前。经须臾间。即生我刹^{chà}。作阿惟越致菩萨。不得是愿。不取正觉。（十九、闻名发心愿。二十、临终接引愿。）

我作佛时。十方众生。闻我名号。系念我国。发菩提心。坚固不退。植众德本。至心回向。欲生极乐。无不遂者。若有宿恶。闻我名字。即自悔过。为道作善。便持经戒。愿生我刹^{chà}。命终不复更三恶道。即生我国。若不尔者。不取正觉。（二十一、悔过得生愿。）

我作佛时。国无妇女。若有女人。闻我名字。得清净信。发菩提心。厌患女身。愿生我国。命终即化男子。来我刹土^{chà dù}。十方世界诸众生类。生我国者。皆于七宝池莲华^{huā}中化生。若不尔者。不取正觉。（二十二、国无女人愿。二十三、厌女转男愿。二十四、莲华化生愿。）

我作佛时。十方众生。闻我名字。欢喜信乐^{yào}。礼拜归命。以清净心。修菩萨行^{hèng}。诸天世人。莫不致敬。若闻我名。寿终之后。生尊贵家。诸根无缺。常修殊胜梵行^{hèng}。若不尔者。不取正觉。（二十五、天人礼敬愿。二十六、闻名得福愿。二十七、修殊胜行愿。）

我作佛时。国中无不善名。所有众生。生我国者。皆同一心。住於定聚。永离热恼。心得清凉。所受快乐。犹如漏尽比丘。若起想念。贪计身者。不取正觉。（二十八、国无不善愿。二十九、住正定聚愿。三十、乐如漏尽愿。三十一、不贪计身愿。）

我作佛时。生我国者。善根无量。皆得金刚那罗延身。坚固之力。身顶皆有光明照耀^{yào}。成就一切智慧。获

得无边辩才。善谈诸法秘要。说经行道。语如钟声。若不尔者。不取正觉。（三十二、那罗延身愿。三十三、光明慧辩愿。三十四、善谈法要愿。）

我作佛时。所有众生。生我国者。究竟必至一生补处。除其本愿为众生故。被弘誓铠^{kǎi}。教化一切有情。皆发信心。修菩提行^{hèng}。行普贤道。虽生他方世界。永离恶趣。或乐说法^{yào}。或乐听法^{yào}。或现神足。随意修习。无不圆满。若不尔者。不取正觉。（三十五、一生补处愿。三十六、教化随意愿。）

我作佛时。生我国者。所须饮食。衣服。种种供具。随意即至。无不满愿。十方诸佛。应念受其供养。若不尔者。不取正觉。（三十七、衣食自至愿。三十八、应念受供愿。）

我作佛时。国中万物。严净。光丽。形色殊特。穷微极妙。无能称量。其诸众生。虽具天眼。有能辨其形色。光相。名数。及总宣说者。不取正觉。（三十九、庄严无尽愿。）

我作佛时。国中无量色树。高或百千由旬。道场树高。四百万里。诸菩萨中。虽有善根劣者。亦能了知。欲见诸佛净国庄严。悉於宝树间见。犹如明镜。睹^{dǔ}其面像。若不尔者。不取正觉。（四十、无量色树愿。四十一、树现佛刹愿。）

我作佛时。所居佛刹^{chà}。广博严净。光莹如镜。彻照

十方无量无数。不可思议。诸佛世界。众生^{dǔ}覩者。生希有心。若不尔者。不取正觉。（四十二、彻照十方愿。）

我作佛时。下从地际。上至虚空。宫殿。楼^{guān}观。池流。^{huā}华树。^{dù}国土所有一切万物。皆以无量宝香合成。其香普熏十方世界。众生闻者。皆修佛^{hèng}行。若不尔者。不取正觉。（四十三、宝香普熏愿。）

我作佛时。十方佛刹^{chà}。诸菩萨众。闻我名已。皆悉逮得清^{xiè}净。解^{xiè}脱。普等三昧。诸深总持。住三摩地。至於成佛。定中常供无量无边一切诸佛。不失定意。若不尔者。不取正觉。（四十四、普等三昧愿。四十五、定中供佛愿。）

我作佛时。他方世界诸菩萨众。闻我名者。证离生法。获陀罗尼。清^{xiè}净欢喜。得平等住。修菩^{hèng}萨行。具足德本。应时不获一二三忍。於诸佛法。不能现证不退转者。不取正觉。（四十六、获陀罗尼愿。四十七、闻名得忍愿。四十八、现证不退愿。）

必成正觉第七 ↑

佛告阿难。尔时法^{zàng}藏比丘说此愿已。以偈颂曰。

我建超世志	必至无上道
斯愿不满足	誓不成等觉
复为大施主	普济诸穷苦
令彼诸群生	长夜无忧恼

出生众善根	成就菩提果
我若成正觉	立名无量寿
众生闻此号	俱来我刹中 ^{chà}
如佛金色身	妙相 ^{xiàng} 悉圆满
亦以大悲心	利益诸群品
离欲深正念	净慧修梵行 ^{hèng}
愿我智慧光	普照十方刹 ^{chà}
消除三垢冥	明济众厄难
悉舍三途苦	灭诸烦恼暗
开彼智慧眼	获得光明身
闭塞诸恶道	通达善趣门
为众开法藏 ^{zàng}	广施功德宝
如佛无碍智	所行慈愍行 ^{mǐn}
常作天人师	得为三界雄
说法狮子吼	广度诸有情
圆满昔所愿	一切皆成佛
斯愿若剋果 ^{kè}	大千应感动
虚空诸天神	当雨珍妙华 ^{yù huā}

佛告阿难。法藏比丘。说此颂已。应时普地六种震
动。天雨妙华^{yù huā}。以散其上。自然音乐空中赞言^{yuè}。决定必
成无上正觉。

积功累德第八 ↑

阿难。法藏比丘。於世自在王如来前。及诸天人大众之中。发斯弘誓愿已。住真实慧。勇猛精进。一向专志庄严妙土。所修佛国。开廓广大。超胜独妙。建立常然。无衰无变。於无量劫。积植德行。不起贪瞋痴欲诸想。不著色声香味触法。但乐忆念。过去诸佛。所修善根。行寂静行。远离虚妄。依真谛门。植众德本。不计众苦。少欲知足。专求白法。惠利群生。志愿无倦。忍力成就。于诸有情。常怀慈忍。和颜爱语。劝谕策进。恭敬三宝。奉事师长。无有虚伪谄曲之心。庄严众行。轨范具足。观法如化。三昧常寂。善护口业。不讥他过。善护身业。不失律仪。善护意业。清净无染。所有国城聚落。眷属珍宝。都无所著。恒以布施。持戒。忍辱。精进。禅定。智慧。六度之行。教化安立众生。住於无上真正之道。

由成如是诸善根故。所生之处。无量宝藏。自然发应。或为长者居士。豪姓尊贵。或为刹利国王。转轮圣帝。或为六欲天主。乃至梵王。於诸佛所。尊重供养。未曾间断。如是功德。说不能尽。身口常出无量妙香。犹如栴檀。优钵罗华。其香普熏无量世界。随所生处。色相端严。三十二相。八十种好。悉皆具足。手中常出

无尽之宝。庄严之具。一切所须。最上之物。利乐有情。^{yào}
由是因缘能令无量众生。皆发阿耨多罗三藐三菩提心。^{nòu}^{miǎo}

圆满成就第九 ↑

佛告阿难。法藏比丘。^{zàng}修菩萨行。^{hèng}积功累德。无量无边。於一切法。而得自在。非是语言分别之所能知。所发誓愿。圆满成就。如实安住。具足庄严。威德广大。清静佛土。^{dù}阿难闻佛所说。白世尊言。法藏菩萨成菩提者。^{zàng}为是过去佛耶。未来佛耶。为今现在他方世界耶。

世尊告言。彼佛如来。来无所来。去无所去。无生无灭。非过现未来。但以酬愿度生。现在西方。去阎浮提百千俱胝那由他佛刹。^{zhī}^{chà}有世界名曰极乐。法藏成佛。^{zàng}号阿弥陀。成佛以来。於今十劫。今现在说法。有无量无数菩萨声闻之众。恭敬围绕。

皆愿作佛第十 ↑

佛说阿弥陀佛为菩萨求得是愿时。阿闍王子。^{shé}与五百大长者闻之。皆大欢喜。各持一金华盖。^{huā}俱到佛前作礼。以华盖上佛已。^{huā}却坐一面听经。心中愿言。令我等作佛时。皆如阿弥陀佛。佛即知之。告诸比丘。是王子等。后当作佛。彼於前世住菩萨道。无数劫来。供养四百亿佛。^{shè}迦叶佛时。彼等为我弟子。今供养我。复相值也。时诸比丘闻佛言者。莫不代之欢喜。

国界严净第十一 ↑

佛^{yù}语阿难。彼极乐界。无量功德。具足庄严。永无众苦。诸难。恶趣。魔恼之名。亦无四时。寒暑。雨冥之异。复无大小江海。丘陵坑坎。荆棘沙砾^{lì}。铁围。须弥。土石等山。唯以自然七宝。黄金为地。宽广平正。不可限极。微妙奇丽。清静庄严。超踰^{yú}十方一切世界。阿难闻已。白世尊言。若彼国土^{dù}无须弥山。其四天王天及忉利天^{dāo}。依何而住。

佛告阿难。夜摩兜率。乃至色无色界。一切诸天。依何而住。阿难白言。不可思议业力所致。佛^{yù}语阿难。不思议业。汝可知耶。汝身果报。不可思议。众生业报。亦不可思议。众生善根。不可思议。诸佛圣力。诸佛世界。亦不可思议。其国众生。功德善力。住行业地。及佛神力。故能尔耳。阿难白言。业因果报。不可思议。我於此法。实无所惑。但为将来众生。破除疑网。故发斯问。

光明徧照第十二 ↑

佛告阿难。阿弥陀佛威神光明。最尊第一。十方诸佛。所不能及。徧照东方恒沙佛刹^{chà}。南西北方。四维上下。亦复如是。若化顶上圆光。或一二三四由旬。或百千万亿由旬。诸佛光明。或照一二佛刹^{chà}。或照百千佛刹^{chà}。

惟阿弥陀佛。光明普照无量无边无数佛刹^{chà}。诸佛光明所照远近。本其前世求道。所愿功德大小不同。至作佛时。各自得之。自在所作。不为预计。

阿弥陀佛。光明善好。胜於日月之明。千亿万倍。光中极尊。佛中之王。是故无量寿佛。亦号无量光佛。亦号无边光佛。无碍光佛。无等光佛。亦号智慧光。常照光。清淨光。欢喜光。解脱^{xiè}光。安隱^{wěn}光。超日月光。不思議光。如是光明。普照十方一切世界。其有众生。遇斯光者。垢灭善生。身意柔软。若在三途极苦之处。见此光明。皆得休息。命终皆得解脱^{xiè}。若有众生。闻其光明。威神。功德。日夜称说。至心不断。随意所愿。得生其国。

寿众无量第十三 ↑

佛^{yù}语阿难。无量寿佛。寿命长久。不可称计。又有无数声闻之众。神智洞达。威力自在。能於掌中持一切世界。我弟子中大目犍^{qián}连。神通第一。三千大千世界。所有一切星宿^{xiù}众生。於一昼夜。悉知其数。假使十方众生。悉成缘觉。一一缘觉。寿万亿岁。神通皆如大目犍^{qián}连。尽其寿命。竭其智力。悉共推算。彼佛会中。声闻之数。千万^{fèn}分中不及一分^{fèn}。譬如大海。深广无边。设取一毛。析为百分^{fèn}。碎如微尘。以一毛尘。沾海一滴。此毛尘水。

比海孰多。阿难。彼目^{qián}犍连等所知数者。如毛尘水。所未知者。如大海水。彼佛寿量。及诸菩萨。声闻。天人。寿量亦尔。非以算计譬喻之所能知。

宝树徧国第十四 ↑

彼如来国。多诸宝树。或纯金树。纯白银树。琉璃树。水晶树。琥珀树。美玉树。玛瑙树。唯一宝成。不杂余宝。或有二宝三宝。乃至七宝。转共合成。根茎枝干。此宝所成。^{huā}华叶果实。他宝化作。或有宝树。黄金为根。白银为身。琉璃为枝。水晶为梢。琥珀为叶。美玉为^{huā}华。玛瑙为果。其余诸树。复有七宝。互为根干枝叶^{huā}华果。种种共成。各自异行。^{háng}行^{hángháng}行相值。茎茎相望。枝叶相向。^{huā}华实相当。^{yào}荣色光曜。不可胜视。清风时发。出五音声。微妙宫商。自然相和。是诸宝树。周徧其国。

菩提道场第十五 ↑

又其道场。有菩提树。高四百万里。其本周围五千由旬。枝叶四布二十万里。一切众宝。自然合成。^{huā}华果敷荣。光晖徧照。复有红绿青白。诸摩尼宝。众宝之王。以为^{duó}瓔珞。云聚宝锁。饰诸宝柱。金珠铃铎。^{zā}周匝条间。珍妙宝网。罗覆其上。百千万色。互相映饰。无量光炎。^{yào}照耀无极。一切庄严。随应而现。微风徐动。吹诸枝叶。演出无量妙法音声。其声流布。徧诸佛国。清畅哀亮。

微妙和雅。十方世界音声之中。最为第一。若有众生。覩^{dǔ}菩提树。闻声。嗅香。尝其果味。触其光影。念树功德。皆得六根清彻。无诸恼患。住不退转。至成佛道。复由见彼树故。获三种忍。一音响忍。二柔顺忍。三者无生法忍。佛告阿难。如是佛刹。华^{chà}果^{huā}树木。与诸众生。而作佛事。此皆无量寿佛。威神力故。本愿力故。满足愿故。明了。坚固。究竟愿故。

堂舍楼观^{guàn}第十六 ↑

又无量寿佛讲堂精舍。楼^{guàn}观^{shǔn}栏楯。亦皆七宝自然化成。复有白珠摩尼以为交络。明妙无比。诸菩萨众。所居宫殿。亦复如是。中有在地讲经。诵经者。有在地受经。听经者。有在地经行者。思道。及坐禅者。有在虚空讲诵受听者。经行。思道及坐禅者。或得须陀洹^{huán}。或得斯陀含。或得阿那含。阿罗汉。未得阿惟越致者。则得阿惟越致。各自念道。说道。行道。莫不欢喜。

泉池功德第十七 ↑

又其讲堂左右。泉池交流。纵广深浅。皆各一等。或十由旬。二十由旬。乃至百千由旬。湛然香洁。具八功德。岸边无数^{zhān}栴檀香树。吉祥果树。华^{huā}果恒芳。光明照耀^{yào}。修条密叶。交覆於池。出种种香。世无能喻。随^{fù}风散馥。沿水流芬。又复池饰七宝。地布金沙。优钵罗华^{huā}。

钵昙摩华。拘牟头华。芬陀利华。杂色光茂。弥覆水上。
若彼众生。过浴此水。欲至足者。欲至膝者。欲至腰腋。
欲至颈者。或欲灌身。或欲冷者。温者。急流者。缓流
者。其水一一随众生意。开神悦体。净若无形。宝沙映
澈。无深不照。微澜徐回。转相灌注。波扬无量微妙音
声。或闻佛法僧声。波罗密声。止息寂静声。无生无灭
声。十力无畏声。或闻无性无作无我声。大慈大悲喜舍
声。甘露灌顶受位声。得闻如是种种声已。其心清静。
无诸分别。正直平等。成熟善根。随其所闻。与法相应。
其愿闻者。辄独闻之。所不欲闻。了无所闻。永不退於
阿耨多罗三藐三菩提心。十方世界诸往生者。皆於七宝
池莲华中。自然化生。悉受清虚之身。无极之体。不闻
三途恶恼苦难之名。尚无假设。何况实苦。但有自然快
乐之音。是故彼国名为极乐。

超世希有第十八 ↑

彼极乐国。所有众生。容色微妙。超世希有。咸同
一类。无差别相。但因顺馀方俗。故有天人之名。佛告
阿难。譬如世间贫苦乞人。在帝王边。面貌形状。宁可
类乎。帝王若比转轮圣王。则为鄙陋。犹彼乞人。在帝
王边也。转轮圣王。威相第一。比之忉利天王。又复丑
劣。假令帝释。比第六天。虽百千倍。不相类也。第六

天王。若比极乐国中。菩萨声闻。光颜容色。虽万亿倍。不相及逮^{dài}。所处宫殿。衣服饮食。犹如他化自在天王。至于威德。阶位。神通变化。一切天人。不可为比。百千万亿。不可计倍。阿难应知。无量寿佛极乐国土^{dù}。如是功德庄严。不可思议。

受用具足第十九 ↑

复次极乐世界。所有众生。或已生。或现生。或当生。皆得如是诸妙色身。形貌端严。福德无量。智慧明了。神通自在。受用种种。一切丰足。宫殿。服饰。香花。幡盖。庄严之具。随意所须。悉皆如念。若欲食时。七宝钵器。自然在前。百味饮食。自然盈满。虽有此食。实无食者。但见色闻香。以意为食。色力增长。而无便秘。身心柔软。无所味著^{zhuó}。事已化去。时至复现。复有众宝妙衣。冠带。璎珞。无量光明。百千妙色。悉皆具足。自然在身。所居舍宅。称其形色。宝网弥覆。悬诸宝铃。奇妙珍异。周徧校饰^{jiào}。光色晃曜^{yào}。尽极严丽。楼观栏楯^{shǔn}。堂宇房阁。广狭方圆。或大或小。或在虚空。或在平地。清静安隐^{wěn}。微妙快乐。应念现前。无不具足。

德风华雨第二十 ↑

其佛国土^{dù}。每於食时。自然德风徐起。吹诸罗网。及众宝树。出微妙音。演说苦空。无常。无我。诸波罗

密。流布万种温雅德香。其有闻者。尘劳垢习。自然不起。风触其身。安和调适。犹如比丘得灭尽定。复吹七宝林树。飘^{huā}华成聚。种种色光。徧满佛土。随色次第。而不杂乱。柔软光洁。如兜罗绵。足履其上。没深四指。随足举已。还复如初。过食时后。其华自没。大地清静。更雨新华。随其时节。还复周徧。与前无异。如是六反。

宝莲佛光第二十一 ↑

又众宝莲华周满世界。一一宝华百千亿叶。其华光明。无量种色。青色青光。白色白光。玄黄朱紫。光色亦然。复有无量妙宝百千摩尼。映饰珍奇。明曜日月。彼莲华量。或半由旬。或一二三四。乃至百千由旬。一一华中。出三十六百千亿光。一一光中。出三十六百千亿佛。身色紫金。相好殊特。一一诸佛。又放百千光明。普为十方说微妙法。如是诸佛。各各安立无量众生於佛正道。

决证极果第二十二 ↑

复次阿难。彼佛国土。无有昏暗火光。日月星曜。昼夜之象。亦无岁月劫数之名。复无住著家室。於一切处。既无标式名号。亦无取舍分别。唯受清静最上快乐。若有善男子。善女人。若已生。若当生。皆悉住於正定之聚。决定证於阿耨多罗三藐三菩提。何以故。若邪定

聚。及不定聚。不能了知建立彼因故。

十方佛赞第二十三↑

复次阿难。东方恒河沙数世界。一一界中如恒沙佛。各出广长舌相。放无量光。说诚实言。称赞无量寿佛。不可思议功德。南西北方。恒沙世界。诸佛称赞。亦复如是。四维上下。恒沙世界。诸佛称赞。亦复如是。何以故。欲令他方所有众生。闻彼佛名。发清净心。忆念受持。归依供养。乃至能发一念净信。所有善根。至心回向。愿生彼国。随愿皆生。得不退转。乃至无上正等菩提。

三辈往生第二十四↑

佛告阿难。十方世界诸天人民。其有至心愿生彼国。凡有三辈。

其上辈者。舍家弃欲。而作沙门。发菩提心。一向专念阿弥陀佛。修诸功德。愿生彼国。此等众生。临寿终时。阿弥陀佛。与诸圣众。现在其前。经须臾间。即随彼佛往生其国。便於七宝^{huā}华中自然化生。智慧勇猛。神通自在。是故阿难。其有众生欲於今世见阿弥陀佛者。应发无上菩提之心。复当专念极乐国土。积集善根。应持回向。由此见佛。生彼国中。得不退转。乃至无上菩提。

其中辈者。虽不能行作沙门。大修功德。当发无上菩提之心。一向专念。阿弥陀佛。随己修行。诸善功德。奉持斋戒。起立塔像。饭食沙门。悬^{zēng}缯燃灯。散^{huā}华烧香。以此回向。愿生彼国。其人临终。阿弥陀佛化现其身。光明相好。具如真佛。与诸大众前后围绕。现其人前。摄受导引。即随化佛往生其国。住不退转。无上菩提。功德智慧。次如上辈者也。

其下辈者。假使不能作诸功德。当发无上菩提之心。一向专念。阿弥陀佛。欢喜信乐。^{yào}不生疑惑。以至诚心。愿生其国。此人临终。梦见彼佛。亦得往生。功德智慧次如中辈者也。

若有众生住大乘者。以清净心。向无量寿。乃至十念。愿生其国。闻甚深法。即生信解。乃至获得一念净心。发一念心念於彼佛。此人临命终时。如在梦中。见阿弥陀佛。定生彼国。得不退转。无上菩提。

往生正因第二十五 ↑

复次阿难。若有善男子。善女人。闻此经典。受持读诵。书写供养。昼夜相续。求生彼刹。^{chà}发菩提心。持诸禁戒。坚守不犯。饶益有情。所作善根。悉施与之。令得安乐。忆念西方阿弥陀佛。及彼国土。是人命终。^{dù}如佛色相种种庄严。生宝刹中。^{chà}速得闻法。永不退转。

复次阿难。若有众生。欲生彼国。虽不能大精进禅定。尽持经戒。要当作善。所谓一不杀生。二不偷盗。三不淫欲。四不妄言。五不^{qǐ}绮语。六不恶口。七不两舌。八不贪。九不^{chēn}瞋。十不痴。如是昼夜思惟。极乐世界阿弥陀佛。种种功德。种种庄严。志心归依。顶礼供养。是人临终。不惊不怖。心不颠倒。即得往生彼佛国土。

若多事物。不能离家。不^{xiá}暇大修斋戒。一心清静。有空闲时。端正身心。绝欲去忧。慈心精进。不当^{chēn}瞋怒。嫉^{dù}妬。不得^{tièqiān}贪饕^{tièqiān}。不得中悔。不得狐疑。要当孝顺。至诚忠信。当信佛经语深。当信作善得福。奉持如是等法。不得亏失。思惟熟计。欲得度脱。昼夜常念。愿欲往生阿弥陀佛清静佛国。十日十夜。乃至一日一夜。不断绝者。寿终皆得往生其国。行菩萨道。诸往生者。皆得阿惟越致。皆具金色三十二相。皆当作佛。欲於何方佛国作佛。从心所愿。随其精进早晚。求道不休。会当得之。不失其所愿也。阿难。以此义利故。无量无数不可思议无有等等无边世界。诸佛如来。皆共称赞无量寿佛所有功德。

礼供听法第二十六 ↑

复次阿难。十方世界诸菩萨众。为欲瞻礼。极乐世界。无量寿佛。各以香^{huā}华幢幡宝盖。往^{yì}诣佛所。恭敬供

养。听受经法。宣布道化。称赞佛土功德庄严。尔时世尊即说颂曰。

东方诸佛刹 ^{chà}	数如恒河沙
恒沙菩萨众	往礼无量寿
南西北四维	上下亦复然
咸以尊重心	奉诸珍妙供
畅发和雅音	歌叹最胜尊
究达神通慧	遊入深法门
闻佛圣德名	安隐 ^{wěn} 得大利
种种供养中	勤修无懈倦
观彼殊胜刹 ^{chà}	微妙难思议
功德普庄严	诸佛国难比
因发无上心	愿速成菩提
应时无量尊	微笑现金容
光明从口出	徧照十方国
回光还绕佛	三匝 ^{zā} 从顶入
菩萨见此光	即证不退位
时会一切众	互庆生欢喜
佛语梵雷震 ^{yù}	八音畅妙声
十方来正士	吾悉知彼愿
志求严净土 ^{dù}	受记当作佛

觉了一切法 犹如梦幻响
满足诸妙愿 必成如是刹^{chà}
知土如影像^{dù} 恒发弘誓心
究竟菩萨道 具诸功德本
修胜菩提行^{hèng} 受记当作佛
通达诸法性 一切空无我
专求净佛土^{dù} 必成如是刹^{chà}
闻法乐受行^{yào} 得至清净处
必於无量尊 受记成等觉
无边殊胜刹^{chà} 其佛本愿力
闻名欲往生 自致不退转
菩萨兴至愿 愿己国无异
普念度一切 各发菩提心
舍彼轮回身 俱令登彼岸
奉事万亿佛 飞化徧诸刹^{chà}
恭敬欢喜去 还到安养国

歌叹佛德第二十七 ↑

佛^{yù}语阿难。彼国菩萨。承佛威神。於一食顷。复往
十方无边净刹^{chà}。供养诸佛。华^{huā}香幢幡。供养之具。应念
即至。皆现手中。珍妙殊特。非世所有。以奉诸佛。及
菩萨众。其所散^{huā}华。即於空中。合为一^{huā}华。华^{huā}皆向下。

端圆周匝。化成^{huā}华盖。百千光色。色色异香。香气普薰。盖之小者。满十由旬。如是转倍。乃至徧覆三千大千世界。随其前后。以次化没。若不更以^{huā}新华重散。前所散^{huā}华终不复落。於虚空中共奏^{yuè}天乐。以微妙音歌叹佛德。经须臾间。还其本国。都悉集会七宝讲堂。无量寿佛。则为广宣大教。演畅妙法。莫不欢喜。心解得道。即时香风吹七宝树。出五音声。无量^{huā}妙华。随风四散。自然供养。如是不绝。一切诸天。皆^{jī}赍百千^{huā}华香。万种^{yuè}伎乐。供养彼佛。及诸菩萨声闻之众。前后往来。^{xī yí}熙怡快乐。此皆无量寿佛本愿加威。及曾供养如来。善根相续。无缺减故。善修习故。善摄取故。善成就故。

大士神光第二十八 ↑

佛告阿难。彼佛国中诸菩萨众。悉皆洞视。彻听。八方。上下。去来。现在之事。诸天人民。以及^{yuān}蜎飞^{ruǎn}蠕动之类。心意善恶。口所欲言。何时度脱。得道往生。皆预知之。又彼佛^{chà}刹诸声闻众。身光一寻。菩萨光明。照百由旬。有二菩萨。最尊第一。威神光明。普照三千大千世界。阿难白佛。彼二菩萨。其号云何。佛言。一名观世音。一名^{suō}大势至。此二菩萨。於娑婆界。修^{hèng}菩萨行。往生彼国。常在阿弥陀佛左右。欲至十方无量佛所。随心则到。现居此界。作大利乐。世间善男子。善女人。

若有急难恐怖。但自归命观世音菩萨。无不得解脱者。^{xiè}

愿力宏深第二十九 ↑

复次阿难。彼佛刹中。^{chà}所有现在。未来。一切菩萨。皆当究竟一生补处。唯除大愿。入生死界。为度群生。作狮子吼。^{huàn}擐大甲冑。^{zhòu}以宏誓功德而自庄严。虽生五浊恶世。示现同彼。直至成佛。不受恶趣。生生之处。常识宿命。无量寿佛意欲度脱十方世界诸众生类。皆使往生其国。悉令得泥洹道。作菩萨者。令悉作佛。既作佛已。转相教授。转相度脱。如是辗转。不可复计。十方世界。声闻菩萨。诸众生类。生彼佛国。得泥洹道。^{huán}当作佛者。不可胜数。彼佛国中。常如一法。不为增多。所以者何。犹如大海。为水中王。诸水流行。都入海中。是大海水。宁为增减。八方上下。佛国无数。阿弥陀国。长久广大。明好快乐。最为独胜。本其为菩萨时。求道所愿。^{lěi}累德所致。无量寿佛。恩德布施八方上下。无穷无极。深大无量。不可胜言。

菩萨修持第三十 ↑

复次阿难。彼佛刹中一切菩萨。^{chà}禅定。智慧。神通。威德。无不圆满。诸佛密藏。^{zàng}究竟明了。调伏诸根。身心柔软。深入正慧。无复余习。依佛所行。七觉圣道。修行五眼。照真达俗。肉眼简择。天眼通达。法眼清淨。

慧眼见真。佛眼具足。觉了法性。辩才总持。自在无碍。
善解世间无边方便。所言诚谛。深入义味。度诸有情。
演说正法。无相无为。无缚无脱。无诸分别。远离颠倒。
於所受用。皆无摄取。徧遊佛刹^{chà}。无爱无厌。亦无希求
不希求想。亦无彼我违怨之想。何以故。彼诸菩萨。於
一切众生。有大慈悲利益心故。舍离一切执著^{zhuó}。成就无
量功德。以无碍慧。解法如如。善知集灭。音声方便。
不欣世语^{yào}。乐在正论。知一切法。悉皆空寂。生身烦恼。
二余俱尽。於三界中。平等勤修。究竟一乘。至於彼岸。
决断疑网。证无所得。以方便智。增长了知。从本以来。
安住神通。得一乘道。不由他悟。

真实功德第三十一 ↑

其智宏深。譬如巨海。菩提高广。喻若须弥。自身
威光。超於日月。其心洁白。犹如雪山。忍辱如地。一
切平等。清淨如水。洗诸尘垢。炽盛^{chì}如火。烧烦恼薪。
不著^{zhuó}如风。无诸障碍。法音雷震。觉未觉故。雨甘露法。
润众生故。旷若虚空。大慈等故。如净莲华^{huā}。离染污故。
如尼拘树。覆荫大故。如金刚杵。破邪执故。如铁围山。
众魔外道不能动故。其心正直。善巧决定。论法无厌。
求法不倦。戒若琉璃。内外明洁。其所言说。令众悦服。
击法鼓。建法幢^{yào}。曜慧日。破痴暗。淳淨温和。寂定明

察。为大导师。调伏自他。引导群生。舍诸爱^{zhuó}著。永离
三垢。游戏神通。因缘愿力。出生善根。摧伏一切魔军。
尊重奉事诸佛。为世明灯。最胜福田。殊胜吉祥。堪受
供养。赫奕^{hè}欢喜。雄猛无畏。身色相好。功德辩才。具
足庄严。无与等者。常为诸佛所共称赞。究竟菩萨诸波
罗密。而常安住不生不灭诸三摩地。行徧道场。远二乘
境。阿难。我今略说。彼极乐界。所生菩萨。真实功德。
悉皆如是。若广说者。百千万劫。不能穷尽。

寿乐无极第三十二 ↑

佛告弥勒菩萨。诸天人等。无量寿国。声闻菩萨。
功德智慧。不可称说。又其国土^{dù}微妙。安乐。清淨若此。
何不力为善。念道之自然。出入供养。观经行道。喜乐久^{yào}
习。才猛智慧。心不中回。意无懈时。外若迟缓。内独
驶急。容容虚空。适得其中。中表相应。自然严整。检
敛端直。身心洁淨。无有爱贪。志愿安定。无增缺减。
求道和正。不误倾邪。随经约令。不敢蹉^{cuō}跌。若於^{shèng}绳墨。
咸为道慕。旷无他念。无有忧思。自然无为。虚空无立。
淡安无欲。作得善愿。尽心求索。含哀慈^{mǐn}愍。礼义都合。
苞罗表里。过度^{xiè}解脱。自然保守。真真洁白。志愿无上。
净定安乐。一旦开达明彻。自然中自然相。自然之有根
本。自然光色参回。转变最胜。郁单成七宝。横揽成万

物。光精明俱出。善好殊无比。^{zhù}著於无上下。洞达无边
际。宜各勤精进。努力自求之。必得超绝去。往生无量
清淨阿弥陀佛国。横截於五趣。恶道自闭塞。无极之胜
道。易往而无人。其国不^逆违。自然所牵随。捐志若虚
空。勤行求道德。可得极长生。寿乐无有极。何为^{zhuó}著世
事。^{náonáo}饒饒忧无常。

劝谕策进第三十三 ↑

世人共争不急之务。於此剧恶极苦之中。勤身营务。
以自^{jǐ}给济。尊卑。贫富。少长。男女。^{lěi}累念积虑。为心
走使。无田忧田。无宅忧宅。眷属财物。有无同忧。有
一少一。思欲齐等。适小具有。又忧非常。水火盗贼。
怨家债主。焚漂劫夺。消散磨灭。^{qiān}心慳意固。无能纵舍。
命终弃捐。莫谁随者。贫富同然。忧苦万端。

世间人民。父子兄弟夫妇亲属。当相敬爱。无相憎
嫉。有无相通。无得贪惜。言色常和。莫相违^{lì}戾。或时
心诤。有所^{huì}恚怒。后世转剧。至成大怨。世间之事。更
相患害。虽不临时。应急想破。人在爱欲之中。独生独
死。独去独来。苦乐自当。无有代者。善恶变化。追逐
所生。道路不同。会见无期。何不於强健时。努力修善。
欲何待乎。

世人善恶自不能见。吉凶祸福。竞各作之。身愚神^{àn}闇。

转受余教。颠倒相续。无常根本。蒙冥抵突。不信经法。
心无远虑。各欲快意。迷於瞋^{chēnhuì}恚。贪於财色。终不休止。
哀哉可伤。先人不善。不识道德。无有语者。殊无怪也。
死生之趣。善恶之道。都不之信。谓无有是。更相瞻视。
且自见之。或父哭子。或子哭父。兄弟夫妇。更相哭泣。
一死一生。迭相顾恋。忧爱结缚。无有解时。思想恩好。
不离情欲。不能深思熟计。专精行道。年寿旋尽。无可
奈何。

惑道者众。悟道者少。各怀杀毒。恶气冥冥。为妄
兴事。违逆天地。恣^{zì}意罪极。顿夺其寿。下入恶道。无
有出期。若曹当熟思计。远离众恶。择其善者。勤而行
之。爱欲荣华。不可常保。皆当别离。无可乐者。当勤
精进。生安乐国。智慧明达。功德殊胜。勿得随心所欲。
亏负经戒。在人后也。

心得开明第三十四 ↑

弥勒白言。佛^{yù}语教戒。甚深甚善。皆蒙慈恩。解脱^{xiè}
忧苦。佛为法王。尊超群圣。光明彻照。洞达无极。普
为一切天人之师。今得值佛。复闻无量寿声。靡^{mǐ}不欢喜。
心得开明。

佛告弥勒。敬於佛者。是为大善。实当念佛。截断^{bá}
狐疑。拔诸爱欲。杜众恶源。遊步三界。无所罣碍^{guà}。开

示正道。度未度者。若曹当知。十方人民。永劫以来。
辗转五道。忧苦不绝。生时苦痛。老亦苦痛。病极苦痛。
死极苦痛。恶臭不净。无可乐者。宜自决断。洗除心垢。
言行忠信。表里相应。人能自度。转相拯济。至心求愿。
积累善本。虽一世精进勤苦。须臾间耳。后生无量寿国。
快乐无极。永拔生死之本。无复苦恼之患。寿千万劫。
自在随意。宜各精进。求心所愿。无得疑悔。自为过咎。
生彼边地。七宝城中。於五百岁受诸厄也。

弥勒白言。受佛明诲。专精修学。如教奉行。不敢
有疑。

浊世恶苦第三十五 ↑

佛告弥勒。汝等能於此世。端心正意。不为众恶。
甚为大德。所以者何。十方世界。善多恶少。易可开化。
唯此五恶世间。最为剧苦。我今於此作佛。教化群生。
令舍五恶。去五痛。离五烧。降化其意。令持五善。获
其福德。何等为五。

其一者。世间诸众生类。欲为众恶。强者伏弱。转
相剋贼。残害杀伤。迭相吞噉。不知为善。后受殃罚。
故有穷乞。孤独。聋盲。瘖哑。痴恶。尪狂。皆因前世
不信道德。不肯为善。其有尊贵。豪富。贤明。长者。
智勇。才达。皆由宿世慈孝。修善积德所致。世间有此

目前现事。寿终之后。入其幽冥。转生受身。改形易道。
故有泥犁。^{lí}禽兽。^{yuān}蜎飞。^{ruǎn}蠕动之属。譬如世法牢狱。剧苦
极刑。魂神命精。随罪趣向。所受寿命。或长或短。^{xiāng}相
从共生。^{xiāng}更相报偿。殃恶未尽。终不得离。辗转其中。
^{lěi}累劫难出。^{xiè}难得解脱。痛不可言。天地之间。自然有是。
虽不即时暴应。善恶会当归之。

其二者。世间人民。不顺法度。^{yín}奢淫骄纵。^{zì}任心自恣。
居上不明。在位不正。陷人冤枉。损害忠良。心口各异。
机伪多端。尊卑中外。^{xiāng}更相欺诳。^{chēnhuì}瞋恚愚痴。欲自厚己。
欲贪多有。利害胜负。结忿成仇。破家亡身。不顾前后。
^{qiān}富有悭惜。不肯施与。爱保贪重。心劳身苦。如是至竟。
无一随者。善恶祸福。追命所生。或在乐处。或入苦毒。
又或见善憎谤。不思慕及。常怀盗心。悵望他利。用自
^{jǐ}供给。消散复取。神明^{kè zhì}剋识。终入恶道。自有三途。无
量苦恼。辗转其中。^{lěi}累劫难出。痛不可言。

其三者。世间人民。^{xiāng}相因寄生。寿命几何。不良之
人。身心不正。常怀邪恶。常念^{yín yì}淫佚。烦满胸中。邪态
外逸。费损家财。事为非法。所当求者。而不肯为。又
或交结聚会。兴兵相伐。攻劫杀戮。强夺迫胁。归^{jǐ}给妻
子。极身作乐。众共憎厌。患而苦之。如是之恶。^{zhù}著於
人鬼。神明^{zhì}记识。自入三途。无量苦恼。辗转其中。^{lěi}累劫

难出。痛不可言。

其四者。世间人民。不念修善。两舌。恶口。妄言。
绮语。^{qǐ} 憎嫉善人。败坏贤明。不孝父母。轻慢师长。朋
友无信。难得诚实。尊贵自大。谓己有道。横行威势。
侵易于人。欲人畏敬。不自惭惧。难可^{xiáng} 降化。常怀骄慢。
赖其前世。福德营护。今世为恶。福德尽灭。寿命终尽。
诸恶绕归。又其名籍。记在神明。^{yāng jiù} 殃咎牵引。无从舍离。
但得前行。入于火^{huò} 镬。身心摧碎。神形苦极。当斯之时。
悔复何及。

其五者。世间人民。^{xǐ yǐ} 徙倚懈怠。不肯作善。治身修
业。父母教诲。^{huì} 违戾反逆。^{lì} 譬如怨家。不如无子。负恩
违义。无有报偿。放恣遊散。^{dān shì} 耽酒嗜美。^{hù} 鲁扈抵突。不
识人情。无义无礼。不可谏晓。六亲眷属。资用有无。
不能忧念。不惟父母之恩。不存师友之义。意念身口。^{céng} 曾
无一善。不信诸佛经法。不信生死善恶。欲害真人。斗
乱僧众。愚痴蒙昧。自为智慧。不知生所从来。死所趣
向。不仁不顺。希望长生。^{huì} 慈心教诲。而不肯信。苦口
与语。无益其人。心中闭塞。意不开解。大命将终。悔
惧交至。不预修善。临时乃悔。悔之於后。将何及乎。

天地之间。五道分明。善恶报应。祸福相承。身自
当之。无谁代者。善人行善。从乐入乐。从明入明。恶

人行恶。从苦入苦。从冥入冥。谁能知者。独佛知耳。
教语开示。信行者少。生死不休。恶道不绝。如是世人。
难可具尽。故有自然三途。无量苦恼。辗转其中。世世累劫。
无有出期。难得解脱。痛不可言。

如是五恶五痛五烧。譬如大火。焚烧人身。若能自
於其中一心制意。端身正念。言行相副。所作至诚。独
作诸善。不为众恶。身独度脱。获其福德。可得长寿泥洹
之道。是为五大善也。

重重^{huì}悔勉第三十六 ↑

佛告弥勒。吾语汝等。如是五恶五痛五烧。辗转相
生。敢有犯此。当历恶趣。或其今世。先被病殃。死生
不得。示众见之。或於寿终。入三恶道。愁痛酷毒。自
相焦然。共其怨家。更相杀伤。从小微起。成大困剧。
皆由贪著财色。不肯施惠。各欲自快。无复曲直。痴欲
所迫。厚己争利。富贵荣华。当时快意。不能忍辱。不
务修善。威势无几。随以磨灭。天道施张。自然纠举。
戢戢忪忪。当入其中。古今有是。痛哉可伤。

汝等得佛经语。熟思惟之。各自端守。终身不怠。
尊圣敬善。仁慈博爱。当求度世。拔断生死众恶之本。
当离三途。忧怖苦痛之道。若曹作善。云何第一。当自
端心。当自端身。耳目口鼻。皆当自端。身心净洁。与

善相应。勿随^{shì}嗜欲。不犯诸恶。言色当和。身行当专。动作瞻视。安定徐为。作事仓卒。败悔在后。为之不谄。亡其功夫。

如贫得宝第三十七 ↑

汝等广植德本。勿犯道禁。忍辱精进。慈心专一。斋戒清静。一日一夜。胜在无量寿国为善百岁。所以者何。彼佛国土。^{dù}皆积德众善。无毫发之恶。於此修善。十日十夜。胜於他方诸佛国中。为善千岁。所以者何。他方佛国。福德自然。无造恶之地。唯此世间。善少恶多。饮苦食毒。未尝宁息。

吾哀汝等。苦心^{huì}诲喻。授与经法。悉持思之。悉奉行之。尊卑。男女。眷属。朋友。转相教^{yù}语。自相约检。和顺义理。欢乐慈孝。所作如犯。则自悔过。去恶就善。朝闻夕改。奉持经戒。如贫得宝。改往修来。洒^{xǐ}心易行。自然感^{jiàng}降。所愿^{zhé}辄得。

佛所行处。国邑丘聚。^{yì}靡不蒙化。^{mí}天下和顺。日月清明。风雨以时。灾厉不起。国丰民安。兵戈无用。崇德兴仁。务修礼让。国无盗贼。无有怨枉。强不凌弱。各得其所。

我哀汝等。甚於父母念子。我於此世作佛。以善攻^{bá}恶。拔生死之苦。令获五德。升无为之安。吾般泥洹^{bō huán}。

经道渐灭。人民^{chǎn}谄伪。复为众恶。五烧五痛。久后转剧。汝等转相教诫。如佛经法。无得犯也。

弥勒菩萨。合掌白言。世人恶苦。如是如是。佛皆慈哀。悉度脱之。受佛^{chónghuì}重^{chóng}悔。不敢违失。

礼佛现光第三十八↑

佛告阿难。若曹欲见无量清静平等觉。及诸菩萨阿罗汉等所居国土^{dù}。应起西向。当日没处。恭敬顶礼。称念南无阿弥陀佛。

阿难即从座起。面西合掌。顶礼白言。我今愿见极乐世界阿弥陀佛。供养奉事。种诸善根。顶礼之间。忽见阿弥陀佛。容颜广大。色相端严。如黄金山。高出一切诸世界上。又闻十方世界。诸佛如来。称扬赞叹。阿弥陀佛种种功德。无碍无断。

阿难白言。彼佛净刹^{chà}。得未曾有。我亦愿乐生於彼土^{yào dù}。世尊告言。其中生者。已曾亲近无量诸佛。植众德本。汝欲生彼。应当一心归依瞻仰。作是语时。阿弥陀佛即於掌中放无量光。普照一切诸佛世界。时诸佛国。皆悉明现。如处一寻。以阿弥陀佛殊胜光明。极清静故。於此世界所有黑山。雪山。金刚。铁围。大小诸山。江河。丛林。天人宫殿。一切境界。无不照见。譬如日出。明照世间。乃至泥犁。溪谷。幽冥之处。悉大开辟。皆同

一色。犹如劫水弥漫世界。其中万物。沉没不现。混 濊^{huàngǎng}
浩汗。唯见大水。彼佛光明。亦复如是。声闻菩萨。一
切光明。悉皆^{yīn}隐蔽。唯见佛光。明耀^{yào}显赫^{hè}。此会四众。
天龙八部。人非人等。皆见极乐世界。种种庄严。阿弥
陀佛。於彼高座。威德巍巍。相好光明。声闻菩萨。围
绕恭敬。譬如须弥山王。出於海面。明现照耀^{yào}。清静平
正。无有杂秽。及异形类。唯是众宝庄严。圣贤共住。
阿难及诸菩萨众等。皆大欢喜。踊跃^{yuè}作礼。以头^{zhuó}著地。
称念南无阿弥陀三藐^{miǎo}三佛陀。

诸天人民。以至蜎^{yuān}飞蠕^{ruǎn}动。覩^{dǔ}斯光者。所有疾苦。
莫不休止。一切烦恼。莫不解脱^{xiè}。悉皆慈心^{zuò}做善。欢喜
快乐。钟磬^{qìng}琴瑟^{sè}。笙篴^{kōnghóuyùè}乐器。不鼓自然皆作五音。诸佛
国中。诸天人民。各持花香。来於虚空散作供养。尔时
极乐世界。过於西方百千俱胝^{zhī}那由他国。以佛威力。如
对目前。如净天眼。观一寻地。彼见此土^{dù}。亦复如是。
悉覩^{dǔ}娑婆世界。释迦如来。及比丘众。围绕说法。

慈氏述见第三十九 ↑

尔时佛告阿难。及慈氏菩萨。汝见极乐世界。宫殿。
楼阁。泉池。林树。具足微妙。清静庄严不^{fǒu}。汝见欲界
诸天。上至色究竟天。雨诸香华。徧佛刹不^{chà fǒu}。阿难对曰。
唯然已见。汝闻阿弥陀佛大音宣布一切世界。化众生不^{fǒu}。

阿难对曰。唯然已闻。佛言汝见彼国净行之众。遊处虚空。宫殿随身。无所障碍。徧至十方供养诸佛^{fōu}不。及见彼等念佛相续^{fōu}不。复有众鸟。住虚空界。出种种音。皆是化作。汝悉见^{fōu}不。慈氏白言。如佛所说。一一皆见。佛告弥勒。彼国人民有胎生者。汝复见^{fōu}不。弥勒白言。世尊。我见极乐世界人住胎者。如夜摩天。处於宫殿。又见众生。於莲^{huā}华^{jiā}内结跏趺坐。自然化生。何因缘故。彼国人民。有胎生者。有化生者。

边地疑城第四十↑

佛告慈氏。若有众生。以疑惑心修诸功德。愿生彼国。不了佛智。不思議智。不可称智。大乘广智。无等无伦。最上胜智。於此诸智。疑惑不信。犹信罪福。修习善本。愿生其国。复有众生。积集善根。希求佛智。普徧智。无等智。威德广大不思議智。於自善根。不能生信。故於往生清淨佛国。意志犹豫。无所专据。然犹续念不绝。结其善愿为本。续得往生。

是诸人等。以此因缘。虽生彼国。不能前至无量寿所。道止佛国界边。七宝城中。佛不使尔。身行所作。心自趣向。亦有宝池莲^{huā}华。自然受身。饮食快乐。如忉利天。於其城中。不能得出。所居舍宅在地。不能随意高大。於五百岁。常不见佛。不闻经法。不见菩萨声闻圣

众。其人智慧不明。知经复少。心不开解。意不欢乐。
是故於彼。谓之胎生。

若有众生。明信佛智。乃至胜智。断除疑惑。信己
善根。作诸功德。至心回向。皆於七宝^{huā}华中。自然化生。
^{jiā}跏趺而坐。须臾之顷。身相。光明。智慧。功德。如诸
菩萨。具足成就。弥勒当知。彼化生者。智慧胜故。其
胎生者。五百岁中。不见三宝。不知菩萨法式。不得修
习功德。无因奉事无量寿佛。当知此人。宿世之时。无
有智慧。疑惑所致。

惑尽见佛第四十一 ↑

譬如转轮圣王。有七宝狱。王子得罪。禁闭其中。
层楼^{qǐ}绮殿。宝帐金^{chuáng}牀。栏窗榻座。妙饰奇珍。饮食衣服。
如转轮王。而以金锁。系其两足。诸小王子。宁乐此不。
慈氏白言。^{fù}不也。世尊。彼幽^{zhí}繫时。心不自在。但以种
种方便。欲求出离。求诸近臣。终不从心。轮王欢喜。
方得^{xiè}解脱。佛告弥勒。此诸众生。亦复如是。若有^{duò}堕於
疑悔。希求佛智。至广大智。於自善根。不能生信。由
闻佛名。起信心故。虽生彼国。於莲^{huā}华中。不得出现。
彼处^{huā}华胎。犹如园苑宫殿之想。何以故。彼中清淨。无
诸秽恶。然於五百岁中。不见三宝。不得供养奉事诸佛。
远离一切殊胜善根。以此为苦。不生^{yào}欣乐。若此众生。

识其罪本。深自悔责。求离彼处。往昔世中。过失尽已。然后乃出。即得往诣^{yì}无量寿所。听闻经法。久久亦当开解欢喜。亦得徧供无数无量诸佛。修诸功德。汝阿逸多。当知疑惑。於诸菩萨为大损害。为失大利。是故应当明信诸佛无上智慧。

慈氏白言。云何此界一类众生。虽亦修善。而不求生。佛告慈氏。此等众生。智慧微浅。分别西方。不及天界。是以非乐。不求生彼。慈氏白言。此等众生。虚妄分别。不求佛刹^{chà}。何免轮回。佛言。彼等所种善根。不能离相。不求佛慧。深著^{zhuó}世乐。人间福报。虽复修福。求人天果。得报之时。一切丰足。而未能出三界狱中。假使父母妻子男女眷属。欲相救免。邪见业王。未能舍离。常处轮回而不自在。汝见愚痴之人。不种善根。但以世智聪辩。增益邪心。云何出离生死大难。复有众生。虽种善根。作大福田。取相分别。情执深重。求出轮回。终不能得。若以无相智慧。植众德本。身心清淨。远离分别。求生净刹^{chà}。趣佛菩提。当生佛刹^{chà}。永得解脱^{xiè}。

菩萨往生第四十二 ↑

弥勒菩萨白佛言。今此娑婆世界^{suō}。及诸佛刹^{chà}。不退菩萨。当生极乐国者。其数几何。

佛告弥勒。於此世界。有七百二十亿菩萨。已曾供

养无数诸佛。植众德本。当生彼国。诸小行菩萨。修习功德。当往生者。不可称计。不但我刹诸菩萨等。往生彼国。他方佛土。亦复如是。从远照佛刹。有十八俱胝那由他菩萨摩訶萨。生彼国土。东北方宝藏佛刹。有九十亿不退菩萨。当生彼国。从无量音佛刹。光明佛刹。龙天佛刹。胜力佛刹。狮子佛刹。离尘佛刹。德首佛刹。仁王佛刹。华幢佛刹。不退菩萨当往生者。或数十百亿。或数百千亿。乃至万亿。其第十二佛名无上华。彼有无数诸菩萨众。皆不退转。智慧勇猛。已曾供养无量诸佛。具大精进。发趣一乘。於七日中。即能摄取百千亿劫。大士所修坚固之法。斯等菩萨。皆当往生。其第十三佛名曰无畏。彼有七百九十亿大菩萨众。诸小菩萨及比丘等。不可称计。皆当往生。十方世界诸佛名号。及菩萨众当往生者。但说其名。穷劫不尽。

非是小乘第四十三 ↑

佛告慈氏。汝观彼诸菩萨摩訶萨。善获利益。若有善男子。善女人。得闻阿弥陀佛名号。能生一念喜爱之心。归依瞻礼。如说修行。当知此人为得大利。当获如上所说功德。心无下劣。亦不贡高。成就善根。悉皆增上。当知此人非是小乘。於我法中。得名第一弟子。是故告汝天人世间阿修罗等。应当爱乐修习。生希有心。

於此经中。生导师想。欲令无量众生。速疾安住得不退转。及欲见彼广大庄严。摄受殊胜佛刹^{chà}。圆满功德者。当起精进。听此法门。为求法故。不生退屈^{chǎn}谄伪之心。设入大火。不应疑悔。何以故。彼无量亿诸菩萨等。皆悉求此微妙法门。尊重听闻。不生违背。多有菩萨。欲闻此经而不能得。是故汝等。应求此法。

受菩提记第四十四 ↑

若於来世。乃至正法灭时。当有众生。植诸善本。已曾供养无量诸佛。由彼如来加威力故。能得如是广大法门。摄取受持。当获广大一切智智。於彼法中。广大胜解。获大欢喜。广为他说。常乐修行^{yào}。诸善男子。及善女人。能於是法。若已求。现求。当求者。皆获善利。汝等应当安住无疑。种诸善本。应常修习。使无疑滞。不入一切种类珍宝成就牢狱。阿逸多。如是等类大威德者。能生佛法广大异门。由於此法不听闻故。有一亿菩萨。退转阿耨^{nòu}多罗三藐^{mǎo}三菩提。若有众生。於此经典。书写。供养。受持。读诵。於须臾顷为他演说。劝令听闻。不生忧恼。乃至昼夜思惟彼刹^{chà}。及佛功德。於无上道。终不退转。彼人临终。假使三千大千世界满中大火。亦能超过。生彼国土。是人已曾值过去佛。受菩提记。一切如来。同所称赞。是故应当专心信受。持诵。说行。

独留此经第四十五 ↑

吾今为诸众生说此经法。令见无量寿佛。及其国土^{dù}一切所有。所当为者。皆可求之。无得以我灭度之后。复生疑惑。当来之世。经道灭尽。我以慈悲哀愍^{mǐn}。特留此经止住百岁。其有众生。值斯经者。随意所愿。皆可得度。如来兴世。难值难见。诸佛经道。难得难闻。遇善知识。闻法能行。此亦为难。若闻斯经。信乐受持。难^{yào}中之难。无过此难。若有众生得闻佛声。慈心清静。踊跃^{yuè}欢喜。衣毛为起或泪出者。皆由前世曾作佛道。故非凡人。若闻佛号。心中狐疑。於佛经语。都无所信。皆从恶道中来。宿殃未尽。未当度脱。故心狐疑。不信向耳。

勤修坚持第四十六 ↑

佛告弥勒。诸佛如来无上之法。十力无畏。无碍无著^{zhuó}。甚深之法。及波罗密等菩萨之法。非易可遇。能说法人。亦难开示。坚固深信。时亦难遭。我今如理宣说如是广大微妙法门。一切诸佛之所称赞。付嘱汝等。作大守护。为诸有情长夜利益。莫令众生沦堕^{duò}五趣。备受危苦。应勤修行。随顺我教。当孝於佛。常念师恩。当令是法久住不灭。当坚持之。无得毁失。无得为妄。增减经法。常念不绝。则得道捷。我法如是。作如是说。如来所行。亦应随行。种修福善。求生净刹^{chà}。

福慧始闻第四十七 ↑

尔时世尊而说颂曰

若不往昔修福慧	於此正法不能闻
已曾供养诸如来	则能欢喜信此事
恶骄懈怠及邪见	难信如来微妙法
譬如盲人恒处闇	不能开导於他路
唯曾於佛植众善	救世之行方能修
闻已受持及书写	读诵赞演并供养
如是一心求淨方	决定往生极乐国
假使大火满三千	乘佛威德悉能超
如来深广智慧海	唯佛与佛乃能知
声闻亿劫思佛智	尽其神力莫能测
如来功德佛自知	唯有世尊能开示
人身难得佛难值	信慧闻法难中难
若诸有情当作佛	行超普贤登彼岸
是故博闻诸智士	应信我教如实言
如是妙法幸听闻	应常念佛而生喜
受持广度生死流	佛说此人真善友

闻经获益第四十八 ↑

尔时世尊说此经法。天人世间有万二千那由他亿众生。远离尘垢。得法眼淨。二十亿众生。得阿那含果。

六千八百比丘。诸漏已尽。心得解脱^{xiè}。四十亿菩萨。於
无上菩提住不退转。以弘誓功德而自庄严。二十五亿众
生。得不退忍。四万亿那由他百千众生。於无上菩提未
曾发意。今始初发。种诸善根愿生极乐。见阿弥陀佛。
皆当往生彼如来土^{dù}。各於异方次第成佛。同名妙音如来。

复有十方佛刹^{chà}。若现在生。及未来生。见阿弥陀佛
者。各有八万俱胝那由他人^{zhī}。得授记法忍。成无上菩提。
彼诸有情。皆是阿弥陀佛宿愿因缘。俱得往生极乐世界。
尔时三千大千世界六种震动。并现种种希有神变。放大
光明。普照十方。复有诸天。於虚空中。作妙音乐^{yuè}。出
随喜声。乃至色界诸天。悉皆得闻。叹未曾有。无量妙
花纷纷而降。尊者阿难。弥勒菩萨。及诸菩萨声闻。天
龙八部。一切大众。闻佛所说。皆大欢喜。信受奉行。

佛说大乘无量寿庄严清净平等觉经

七佛灭罪真言

离婆离婆帝。求诃求诃帝。陀罗尼帝。尼诃啰帝。
毗黎你帝。摩诃伽帝。真陵乾帝。娑婆诃。

弥陀大愿。四生总摄。断除三毒离五恶。广修诸功
德。信愿贯彻。决定生极乐。愿我临终无障碍。弥陀圣
众远相迎。速离五浊生净土。还入娑婆度有情。

赞佛偈

阿弥陀佛身金色。相好光明无等伦。
白毫宛转五须弥。绀目澄清四大海。
光中化佛无数亿。化菩萨众亦无边。
四十八愿度众生。九品咸令登彼岸。

南无西方极乐世界大慈大悲阿弥陀佛！（三称）

南无阿弥陀佛！（三称）

南无观世音菩萨！（三称）

南无大势至菩萨！（三称）

南无清静大海众菩萨！（三称）

慈云净^{dù}土文 ↑

一心皈命，极乐世界，阿弥陀佛。愿以净光照我，
慈誓摄我，我今正念，称如来名，为菩提道，求生净^{dù}土。
佛昔本誓，若有众生，欲生我国，志心信乐，乃至十念，
若^{yào}不生者，不取正觉。以此念佛因缘，得入如来大誓海
中。承佛慈力，众罪消灭，善根增长，若临命终，自知
时至，身无病苦，心不贪恋，意不颠倒，如入禅定。佛
及圣众，手执金台，来迎接我。于一念顷，生极乐国。华^{huā}
开见佛，即闻佛乘，顿开佛慧。广度众生，满菩提愿。

十方三世一切佛，一切菩萨摩訶萨，摩訶般若波罗
蜜。

普贤菩萨警众偈

是日已过 命亦随减
如少水鱼 斯有何乐
当勤精进 如救头燃
但念无常 慎勿放逸

三皈依

自皈依佛，当愿众生，体解大道，发无上心；
自皈依法，当愿众生，深入经藏，智慧如海；
自皈依僧，当愿众生，统理大众，一切无碍。
和南圣众。

回向偈

愿生西方净^{dù}土中，九品莲^{huā}华为父母，
华^{huā}开见佛悟无生，不退菩萨为伴侣。

愿以此功德，庄严佛净^{dù}土，
上^{zhòng}报四重恩，下济三涂苦。

若有见闻者，悉发菩提心，
尽此一报身，同生极乐国。

拔一切业障根本得生净^{dù}土陀罗尼 ↑

南无阿弥多婆夜。哆他伽多夜。哆地夜他。阿弥利
都婆毗，阿弥利哆，悉耽婆毗。阿弥唎哆，毗迦兰帝。
阿弥唎哆。毗迦兰多。伽弥膩，伽伽哪。枳多迦利，娑

娑诃。

补阙真言

南谟喝啰怛那，哆啰夜耶。佉啰佉啰。俱住俱住。
摩啰摩啰。虎啰，吽。贺贺，苏怛拏，吽。泼抹拏，娑
娑诃。

补阙圆满真言

唵，呼嚧呼嚧，社曳穆契娑诃。

净修捷要

一名五念简课

香赞

戒定真香 虔诚修供养 普令闻熏 善根皆增上
香气心光 悉徧满十方 诚感佛慈 加护恒吉祥

南无香云盖菩萨摩訶萨！（三称）

一心观礼。娑婆教主。九界导师。如來世尊。于五
浊世。八相成道。兴大悲。悯有情。演慈辯。授法眼。
杜恶趣。开善门。宣说易行难信之法。当來一切含灵。
皆依此法而得度脱。大恩大德。本师释迦牟尼佛。

南无本师释迦牟尼佛！（一拜三称（一））

一心观礼。极乐教主。因地闻法。即发无上正觉之
心。住真实慧。誓拔勤苦生死之本。弃国捐王。行作沙

门。号曰法藏。修菩萨道。于无量劫。积植德行。所发殊胜大愿。悉皆圆满成就。名具万德。声闻十方。接引导师。阿弥陀佛。

南无阿弥陀佛！一拜三称（二）

一心观礼。从是西方。去此世界。过十万亿佛土。有佛世界。名曰极乐。法藏成佛。号阿弥陀。名无量寿。及无量光。如来应正等觉。十号圆满。安隐住持。具足庄严。威德广大。清净佛土。阿弥陀佛。

南无阿弥陀佛！一拜三称（三）

一心观礼。清净法身。徧一切处。无生无灭。无去无来。非是语言分别之所能知。但以酬愿度生。现在西方极乐世界。常寂光土。接引法界众生。离娑婆苦。得究竟乐。大慈大悲。阿弥陀佛。

南无阿弥陀佛！一拜三称（四）

一心观礼。圆满报身。所居之处。永无众苦诸难恶趣魔恼之名。亦无四时寒暑雨冥之异。宽广平正。微妙奇丽。超踰十方一切世界。实报庄严净土阿弥陀佛。

南无阿弥陀佛！一拜三称（五）

一心观礼。寿命无量。光明无量。菩萨弟子。声闻天人。寿命悉皆无量。国土。名字。都胜十方。无衰无变。建立常然。殊胜希有。阿弥陀佛。

南无阿弥陀佛！ 一拜三称（六）

一心观礼。无量寿佛。亦号无量光佛。亦号无边光。无碍光。无等光。亦号智慧光。常照光。清淨光。欢喜光。解脱光。安隱光。超日月光。不思議光。光中极尊。佛中之王。阿弥陀佛。

南无阿弥陀佛！ 一拜三称（七）

一心观礼。无量光寿。如来世尊。光明普照十方世界。众生有缘遇斯光者。垢灭善生。身意柔软。所有疾苦莫不休止。一切忧恼莫不解脱。如是威神光明。最尊第一。十方诸佛所不能及。阿弥陀佛。

南无阿弥陀佛！ 一拜三称（八）

一心观礼。极乐世界。教主本尊。于彼高座。威德巍巍。相好光明。一切境界无不照见。如黄金山。出于海面。其中万物。悉皆隐蔽。唯见佛光明耀显赫。有无数声闻菩萨恭敬围绕。阿弥陀佛。

南无阿弥陀佛！ 一拜三称（九）

一心观礼。极乐世界。教主本尊。今现在彼。为诸有情。宣说甚深微妙之法。令得殊胜利益安乐。十方菩萨瞻礼闻法。得蒙授记。称赞供养。阿弥陀佛。

南无阿弥陀佛！ 一拜三称（十）

一心观礼。佛由心生。心隨佛现。心外无境。全佛

是心。境外无心。全他即自。洪名正彰自性。净土方显唯心。感应道交。呼应同时。十万亿程。去此不远。心作心是。阿弥陀佛。

南无阿弥陀佛！一拜三称（十一）

一心观礼。显密一体。身土不二。称名无异持呪。教主即是本尊。大日遮那。同归光寿。华藏。密严。不离极乐。竖穷三际。横徧十虚。阿弥陀佛。

南无阿弥陀佛！一拜三称（十二）

一心观礼。六字统摄万法。一门即是普门。全事即理。全妄归真。全性起修。全修在性。广学原为深入。专修即是总持。声声唤醒自己。念念不离本尊。阿弥陀佛。

南无阿弥陀佛！一拜三称（十三）

一心观礼。无量光寿。是我本觉。起心念佛。方名始觉。^{tuō}托彼依正。显我自心。始本不离。直^{qū}趋觉路。暂尔相违。^{duò}便堕无明。故知正遍知海。虽入众生心想。寂光真净。不涉一切情计。微妙难思。绝待圆融。阿弥陀佛。

南无阿弥陀佛！一拜三称（十四）

一心观礼。万德洪名。能灭众罪。果能一向专念。自然垢障消除。不但道心纯熟。且可福慧增长。临命终

时。圣众现前。慈悲加祐。令心不乱。接引往生极乐世界。七宝池中。华开得见阿弥陀佛。

南无阿弥陀佛！一拜三称（十五）

一心观礼。极乐世界。德风华雨。妙香天乐。泉池林树。宝网灵禽。色光声香。徧满佛土。成就如是功德庄严。增益有情。殊胜善根。大愿大力阿弥陀佛。

南无阿弥陀佛！一拜三称（十六）

一心观礼。极乐世界。黄金地上。宝树行间。莲华池内。宝楼阁中。发菩提心。念佛往生。住正定聚。永不退转。容色微妙。超世稀有。咸同一类。无差别相。悉是清虚之身。无极之体。诸上善人。皆由一向专念阿弥陀佛。

南无阿弥陀佛！一拜三称（十七）

一心观礼。极乐世界。菩提树下。宝栏楯边。闻妙法音。获无生忍。受用种种大乘法乐。福慧。威德。神通自在。随意所须。应念现前。一生补处。诸大菩萨。皆由一向专念阿弥陀佛。

南无阿弥陀佛！一拜三称（十八）

一心观礼。极乐世界。道场。楼观。讲堂。精舍。诸往生者。方便同居。或乐说法。或乐听法。或现神足。或在虚空。或在平地。随意修习。无不圆满。菩萨圣众。

皆由一向专念阿弥陀佛。

南无阿弥陀佛！一拜三称（十九）

一心观礼。十方世界。示现广长舌相。说诚实言。称赞无量寿佛不可思议功德。欲令众生闻彼佛名。发清净心。忆念受持。皈依供养。所有善根至心回向。随愿皆生。得不退转。乃至无上正等菩提。恒河沙数诸佛。

南无阿弥陀佛！一拜三称（二十）

一心观礼。四维上下。称赞本师于一切世间。说此易行难信之法。劝诸有情至心信受。护念十方念佛众生。往生净土。恒沙世界一切诸佛。

南无阿弥陀佛！一拜三称（二一）

一心观礼。经云。当来经灭。佛以慈愍。独留此经。止住百岁。遇斯经者。随意所愿。皆可得度。是故我今至心顶礼。广大。圆满。简易。直捷。方便。究竟。第一希有。难逢法宝。大乘无量寿庄严清净平等觉经。

南无阿弥陀佛！一拜三称（二二）

一心观礼。一乘了义。万善同归。凡圣齐收。利钝悉被。顿该八教。圆摄五宗。横超三界。迳登四土。一生成办。九品可阶。十方诸佛同赞。千经万论共指。宝王三昧。不可思议。微妙法门。

南无阿弥陀佛！一拜三称（二三）

一心观礼。弥陀化身。从闻思修。入三摩地。返闻自性。成无上道。修菩萨行。往生净土。愿力宏深。普门示现。循声救苦。随机感赴。若有急难恐怖。但自皈命。无不解脱。万亿紫金身。观世音菩萨。

南无阿弥陀佛！ 一拜三称（二四）

一心观礼。净宗初祖。以念佛心。入无生忍。都摄六根。净念相继。不假方便。自得心开。入三摩地。斯为第一。与观世音现居此界。作大利乐。于念佛众生。摄取不捨。令离三途。得无上力。无边光智身。大势至菩萨。

南无阿弥陀佛！ 一拜三称（二五）

一心观礼。无量寿如来会上。座列上首。德为众尊。华严经主。万行庄严。化身金刚萨埵。永为密教初祖。不捨因地。徧收玄妙。十大愿王导归极乐。大愿大行普贤菩萨。

南无阿弥陀佛！ 一拜三称（二六）

一心观礼。法王长子。七佛之师。胜妙吉祥。无垢大圣。愿共众生同生极乐。系心一佛。专称名号。即于念中。得见弥陀。一行三昧。在智宏深。文殊师利菩萨。

南无阿弥陀佛！ 一拜三称（二七）

一心观礼。灵山会上。亲承佛诲。授与大乘无量寿

经。嘱以弘扬净土法门。现在兜率内院。当来三会龙华。
菩提树下。成等正觉。福德无边。弥勒菩萨。

南无阿弥陀佛！一拜三称（二八）

一心观礼。无量寿如来会上。舍利弗等诸大尊者。
及贤护等。十六正士。咸共遵修普贤大士之德。具足无
量行愿。安住一切功德法中。诸大菩萨。

南无阿弥陀佛！一拜三称（二九）

一心观礼。从上以来。莲宗诸祖。暨弘宗演教。皈
向净土。诸大善知识。以及本身皈依。授戒。传法。灌
顶。诸位大师。

南无阿弥陀佛！一拜三称（三十）

一心观礼。尽虚空。徧法界。常住三宝。十方护法
菩萨。金刚。梵。天。龙。神。圣贤等众。

南无阿弥陀佛！一拜三称（三一）

一心代为生生世世。及现在生中父母。师长。六亲
眷属。冤亲等众。顶礼三宝。求哀忏悔。普代法界众生。
回向西方极乐世界。同生净土。同圆种智。

南无阿弥陀佛！一拜三称（三二）

无量寿佛赞

无量寿佛 甘露王 威德愿力难量 洪名虔称消灾
障 化火宅 为清凉 菩提心中接佛光 福慧善根自长

一向专念莫徬徨 勤薰戒定香 信愿行三是资粮 苦海
得慈航

南无西方极乐世界大慈大悲大愿大力接引导师阿弥
陀佛

南无阿弥陀佛.....

惟 愿

天下和顺，日月清明，风雨以时，灾厉不起，国丰
民安，兵戈无用，崇德兴仁，务修礼让，国无盗贼，民
无冤枉，强不凌弱，各得其所。

并愿以印行功德，回向法界一切有情，所有六道四
生，宿世冤亲，现世业债，咸凭法力，悉得解脱，现在
者增福延寿，已故者往生净土，同出苦轮，共登觉岸。



地藏莲社于 2020 年 10 月制作